



綴じ部(喉部分)の文字等が開きが不鮮明な場所あり

刊校訛諸症辨疑袖中金三卷

○失血

因血為榮氣為衛上下循環走不息也世人失於調
理者或勞傷或六欲飲酒墜積熱三焦滯血妄
行所以血出諸竅經分滲吐咯衄血謂之五臟
六腑心肺脾胃大腸風者是也經云火載血上得
熱妄行得冷凝滯得黑則止今人每用止血涼劑
者多矣予思失血外邪積熱妄行者多用涼劑其

卜

間隨情妄用喜怒憂鬱勞佚內傷悞投前劑豈不
鬱而愈鬱以致積血於胸滿而隔痛之患哉是知
人身之血賴氣為升降氣升則升氣降則降氣逆
則逆氣和則和氣濁則亂如此失血豈不皆由氣
濁遇熱妄行之所致與故治水者必以隄防治血
者必先清氣清則血和氣濁則血亂斯言信矣
大凡失血當先辨其血出何經常用此經清氣之
藥然後涼血審其虛實調治庶無悞矣

犀角地黄湯

犀角炒 赤芍藥炒 牡丹皮 生地黄酒洗

每服四五錢煎服隨後加減法

心經咯血氣熱入麥門冬○血熱加黃連○肺
經氣熱加石膏○涼血加枯黃芩○腎經縲血
清氣加知母○涼血加黃柏炒
脾經延血清氣加白芍藥 ○涼血加生地黄

者注并便

胃經吐血清氣加粉葛

○涼血加大黃

大腸下血清氣加連翹

○涼血堅實加黃

芩

小腸氣熱溺血加赤茯苓

○涼血加木通山

梔子

三焦經壅血清氣加連翹

○涼血加地骨皮

膀胱經淋血清氣加滑石琥珀

心胞絡清氣加麥門冬

瘀血死血以藕汁茅根桃仁韭汁紅花之類散血

行血以川芎升麻大黃之類涼血清血犀角薄荷

生地黃玄參黃連黃芩麥門冬止血蒲黃大蓟京

墨花薤石樓根諸墨灰

茯苓補心湯 治去血過多面少顏色咳嗽紅痰

往來寒熱 方出虛損門

一少年患吐血來如湧泉諸藥弗效虛羸瘦削病

甚懸革一日請予脉之沉弦細濡其脉為順血積

而
又來寒而又積予疑血不歸源故也嘗聞血導
血歸未嘗用此遂生意用病者吐出之血以瓦器
盛之待凝用銅鍋內炒血黑色以紙盛放在泥地
上許久出火毒然後用瓷鉢細研為末每服五分
以麥門冬去心煎湯調下進二三服其血遂止而
血導血歸之說果然矣後頻服茯苓補心湯數十
貼以杜將來保養半年其人形氣如舊吁如此之
証去血之多病者贏儉諸藥弗効衆人嘗稱其死
服此仍復形氣如初故知人身之血不可量也亮
賢者言天下有是病必有是藥今後諸症病脈相
應醫者用藥不可不交通矣

嘗治諸虛吐衄咯血藥中每入童便半合其効
甚速或單用以童湯類服無不應効蓋洩瀉降
滋陰又能消瘀血止吐衄諸血先賢有言凡諸
失血服寒速十無一生服洩者百無一死其言
信矣童便一名洩瀉一名輪迴一名還元湯但

言死辨美 一ノ三ノ
取年十二歲以下無慾者童子絕其烹炮鹹味
令其潔淨多與米飲湯水以助水道既絕厚味
况喫湯水之多溺下無力亦當與其淡內味凡
溺下却以磁器盛之少頃每一鐘少入生姜自
然汁二三點攪勻徐服之日進二三次如天
寒却以重湯溫服此但以飲食相遠為妙
生熟地黃湯 治吐衄過多心中煩虛燥執等症
生地黃 熟地黃 麥門冬去心 天門冬去皮

黃芪 地骨皮 白芍藥 黃芩 甘草各

右判為藥珠每服一兩水二盞煎七分食遠溫
服如脉微身涼惡風加桂三四分吐血者多有
此症

方治鼻衄神効
以車前草即蝦蟆衣採取一握洗淨放石相內
搗細用絹包之絞出自然汁但半茶椀為率却

入好白蜜二茶匙用熱水重湯溫熱全病人徐徐呷下日服二次病者亦要養性

龍腦鷄蘇丸

消煩渴涼上膈解酒毒除邪熱并

治咳嗽唾血鼻吐血諸淋下血胃熱口臭肺熱喉腥脾疽口甜膽疽口苦並宜治之

柴胡

二兩

麥門冬

二兩

真阿膠

炒

生地黄

末六兩

蒲黃

微炒

草

炙一兩

人參

二兩

木通

膏

右除別研藥後入外並搗羅為之末將白蜜二

斤煉一二沸然後下生地黄末不住手攪下木

通柴胡汁慢熬之入諸藥和為丸如菉豆大每

服三四十九麥門冬湯送下

水灰散 治鼻衄出血不止

山梔子 白芷 不拘多少燒存性為末吹

入鼻中其血即止

諸症辨類
涼藥湯

治吐衄諸血

知母

炒 川栝

白芍藥

麥門冬

去心 蒲黃

甘草

生地黄

川歸尾

扁栝葉

炒各等分

右各製炒每服八分白水煎服

枳連丸

治腸胃閉悶下血積熱臟毒

川黃連

四兩

枳殼

陳者四兩

右為極細末水糊為丸如梧桐子大每服六七

十九清茶下

○三消

三消者心肺脾胃火動而消也心肺消渴脾胃消中善飢腎水消濁經云水涸火炎內熱所致由是而為之消渴消中消腎治法宜抑火養陰今世俗皆為寒涼瀉火之藥服之愈劇故消渴之症實熱者少虛熱者多不足之症而作有餘者悞矣蓋人之水火得其平血氣得其養何消之有其間揖養失宜則使水火偏勝血少氣虛津液枯竭三焦猛

消三消

消三消

消三消

烈以致訖雷之火必起三消之患作焉如此數端
安可驟用瀉火一法而治三消之病耶愚按上消
於心移熱於肺引飲大渴中消於脾移熱於胃多
食尿黃下消於腎移熱於膀胱小便渾濁色如膏
脂傳染既久腸胃合消五臟乾燥以致瘦削四肢
精神怠倦治療之法故上消火盛製金煩渴引飲
宜用蓮花飲主之次以生津四物湯中消脾胃渴
飲食多以白虎湯主之次以生血養脾下消於腎
小便渾濁宜蓮子知母川栢芡實麥門冬四物主
之消在五臟飢色消瘦以生津散主之若以脾腎
經氣虛心經血少若用寒涼之劑過多下陷清氣
渴熱轉生遂生脹滿病亦危矣凡三消務在養脾
生火降火滋陰血生火降陰陽調和病可除矣

連鬚飲

甘草 炙五分 知母 蜜水煎 蓮花鬚 五分 川蓮 一分
姜根 十粒 五味子 十粒 人參 五分 葛根 七粒 茯苓 一分

地黄酒洗 竹葉十片

水二鐘 姜一片 煎服

四物湯

川芎八分 當歸身一 生地黃薄酒洗 知母一 白芍藥小紙包 麥門冬去心 川連八 烏梅肉 甘草五

天花粉七 薄荷各 石連肉各 川栢蜜水 甘草五

水二鐘煎服

又方

寒水石末 甘草各一 家葛粉末 一兩

麥門冬煎湯調下

白虎湯出傷寒門 加人參

枇杷葉散 治消渴胸滿心煩津液太少

枇杷葉去毛水洗 麥門冬去心 五味子去核

瓜蒌實 生地黃 人參去苗芦 茯神去木 粉

葛家種者 知母去毛 甘草炙已上 各七分

右作一服水二鐘竹葉十四片入烏梅一个去
内仁煎七分去滓食遠温服不拘時候

○治宋子英消中得効錄

嘗治一老者年逾七十素有痰火過思鬱結因得
消中之患晝夜飲食無度時上常進則可若少頃
缺食則旁得不已每服寒涼恩無寸効人皆以七
十翁患消中脫者鮮矣一日因延予至家診脉右
手寸關弦滑左手寸關脉弦右尺脉浮大腑燥結

予疑之此大腸移熱與胃火内消故善食而不發
渴也断曰消中善食而飢肉削七脉虛無力者不
治此痰火内消飢色如故法宜可治遂用白虎湯
倍入石膏服之胃火漸平飲食漸減次以坎離丸
養血四物湯調理二月其患遂愈

一方治消中煩渴单以寒水石研極細末每服二
分以灯心草煎湯調下

秘丹 生血為主摠治三消

黃連 天花粉二味藕汁 人乳汁 生地
黃汁

佐以姜蜜和二末為膏每次一指面大放舌上
徐上白湯送下

○噎膈

噎膈者喜怒憂鬱內傷脾肺肝木盛旺痰火上升
津液枯涸傳化失宜故有噎膈凡得患者必先吞
酸吐酸作痛之始今世俗治瘵每以胃院停飲寒

痰遂以香砂丁桂燥熱之劑愈投愈劇殊不知此
并之症金無土養氣虛血少火旺痰多鬱久吞酸
噎膈且如世俗造醋必以熟飯入釀蔽之遂成酸
醋人有痰火於胃水谷入胃遂吞酸心豈不是痰
火釀成吞酸吐酸之患若作以寒痰治必訛矣治
法宜養血生津清痰降火潤氣補脾抑肝開鬱治
宜枳木二陳湯降火以酒炒芩連清痰以竹瀝姜
汁開鬱以神麴香附潤氣以麻仁杏子生津以物

烏梅潤炒加之白蜜其間倘服燥熱過多津液枯
竭腸胃燥結食難者及屎如羊屎者不治縱有良
藥十無一生務在戒性安情吾觀張機琴云噎是
神思間病惟內觀自養此一言妙在其中矣胡可
不知
主方

枳實炒 白朮炒 半夏炮 茯苓各一錢 甘草三
紅陳皮炮晒乾

清痰加竹瀝姜汁共五茶匙

瀉火姜汁炒川蓮五分 開鬱加香附米 薑便

神麴炒 橘葉 青皮各五分

已上二味抑肝使氣○嘔吐入藿香砂仁○潤

氣杏仁麻子炒○津少血虛加川歸生地黃各五分

洗分酉

蘇青丸 專治痰氣噎膈

蘇合香丸真白朮各半 研勻却以生姜自

然汁加入爛研為丸如梧桐子大每服十五丸或加至升五凡淡姜湯下

清氣化痰丸 專治停飲食不運化吞酸噎膈方見痰氣門

瓜蒌實丸 治下元氣虛上於腔膈痞痛悶閉

瓜蒌仁 另研殼去穢 半夏 湯洗七次 桔梗 炒各一兩

右為細末姜汁打糊為丸如绿豆大每服五十丸食後姜湯下

橘杏麻仁丸 治噎膈大便燥結

橘皮 三兩 杏仁 去皮尖 麻仁 去殼 郁李仁 去殼

右除陳皮為末三仁俱搗成膏用東仁去核以石柏內三味搗和丸如梧桐子大每服五六十丸煎枳實湯送下食前服

阿魏撞氣丸 方出氣門治冷氣噎膈作痛嘔吐酸水

○積聚

人身陰陽順臟腑和則無積聚之患矣或因氣体
虛弱或因飲食所傷或為喜怒所鬱故有積聚之
患蓋陰氣勝負傳製所尅旺不受和流結為積陽
氣受病陰氣偏勝故為之聚所以積在不行聚無
定處故曰積聚凡為之病或惡寒潮熱或痞噎嘔
吐或走注痛疼或腹滿泄瀉其症多端難以枚舉
予考積聚之患正氣不足邪氣有餘今世俗俱作

有餘之症投以香燥消陰耗氣之劑所以榮血愈
消陽氣愈弱故病日篤矣治療之法開鬱軟痰
其正氣調其脾胃脾胃一調飲食漸進脾胃合
氣榮衛充實故無所患矣故善治者尤若良農也
去穢稗種植及時禾稼日盛而稊稗日衰善醫者
養正氣日盛而邪氣日衰而積聚消矣古云滿座
君子而小人自然退便其言信矣
消積止元散

白朮 茯苓 陳皮去白青皮 砂仁 麥芽

海粉 山楂子 甘草三香附末 神麴炒

枳實 玄胡索各五

水二鐘 筭三片煎服 上焦火鬱加入酒炒 苓

連 下焦火伏加入 筭 鹽枝栢皆炒 冷氣作痛

加入沉香木香各五

橘皮煎丸 進食健脾消積化聚

橘皮一兩 青皮去穰一兩 麥芽炒八 神麴炒一

三殺半煨 莪木半煨

石件各以法製度為末 倉米飯為丸 如梧桐子

大每服七十丸 米飲送下

撞氣阿魏丸 方出氣門 治冷氣食積為痛 嘔吐作

酸清水或痛或秘

散聚湯 治久氣積聚 伏如癥瘕 隨氣上下發作

有時心腹絞痛 攻刺腰脇 小腹填脹 大小便不

利

半夏炮湯 檳榔 當歸 杏仁炮去皮 陳皮

附子皮去 茯苓皮去 枳殼去穰炒 厚朴姜汁炒 桂心

川芎 吳茱萸湯泡 甘草炙各

右作一服水二鐘生姜三片煎至一鐘食遠服

大便不利加大黃

剪紅圓 追虫取即利五臟不損六腑諸般即及

宿食不消婦人赤白痢疾並皆治之

檳榔六 巴豆一兩 土珠三 雷丸四 白牽牛

右件各以法製度然後研為極細末用醋糊為

丸如菴豆大每服七丸食前溫白湯送下

○眼目

人有兩目猶天之有日月五輪者臟腑之精華宗

脉之根本心腎之神光也故患眼者或憂怒過傷

或風熱所感即於心肺動於風水遇事不曠熱壅

睛紅多生瘡目按古人輪郭病伏多端令人偏作

風熱一途而治凡遇眼疾遂以寒涼之藥利其內

者症并從一

點洗寒涼治其外皆有所効予考眼者順風熱內
瘰有風溫霜月冒露冷瘰有氣鬱上壅睛怒肉
有痰火上升有父子傳注自有一家風眩如此數
端難作風熱一途而治若係風熱內瘰當行寒涼
倘若陰虛火動槩投寒涼利劑損其陰血遂至失
明遇此者不可不辨也余考治療之法風熱內瘰
脉浮弦數赤腫而痛者為實熱當以清涼散利之
風濕脉浮弦濡痺痒多膠目屬虛寒宜以養血溫

因

涼之氣熱上壅脉弦而沉痒而澁痛當以順氣溫
涼之痰火上升弦脉而滑當以降火清涼之陰虛
火動虛陽上攻眼不柰視宜以滋陰補益之劑傳
注風眩審其虛實當隨時令而治大抵眼疾肝熱
則昏暗心熱則燥痛風濕血少則澁痒腎虛不柰
視之法當清心涼血抑肝補脾滋其腎水則水濟
合神先有餘病可脫矣

明目流氣飲 專治氣鬱風濕熱壅赤瘰等眼

甘菊 細辛 大黃 牛蒡子 川芎 白

蒺藜 荊芥穗 玄參 防風 山梔子 皮去

甘草 蔓刺子 黃芩 木賊 各一及 蒼

木 米泔浸 草决明 半

右為末每服二分卧時以薄荷煎湯調或冷酒

亦可

羊肝丸 專治一切目病瘴疾

黃連 二兩 白羊肝 一具 上六味 家菊 防風 薄荷

荊芥穗 羌活 各三 川芎 川歸 生地黃

各四

右為末羊肝杵丸如梧桐子大每服五六十九

白湯食遠送下

還睛丸

小川芎 白蒺藜 羌活 密蒙花 去甘草

防風 川木賊 白木 青箱子 兔系

子 各三 甘菊 猪实 去蒂 川歸 各三 兩 酒先

右為未蜜丸如彈子大每服一九嚼白湯下

六味地黄丸 方出虛損門 專治腎虛眼不柰視神

光不足加川歸蔓荊子 各一兩

加味菊花散 專治風熱內外諸般障目

甘菊花 羌活 木賊 黃芩 川芎 荊

芥 草決明 薄荷 防風 芍藥 川歸

尾 川黃連 蔓荊子 甘草 各等分

水二鐘姜一片每服七八分煎服食遠服

心肝熱其有膜加草龍胆生地黃此方隨時合
加減用之

點眼方 治遠近赤眼腫痛連眼赤爛視物昏暗

不視光明隱澁淚迎風難開神效

炒甘石 不以多少煉粉紅梅花者為佳用良

窠子盛之火服紅以黃連薄荷不拘

多少濃煎汁內滓七次入乳体内研細却又

再煎黃連薄荷湯飛過澄下去上水暴乾再

丹蔭肌上好水片臨後入直麝香 二尼另

用三分另研

研少煎入

石煎入

指至

指至

指至

指至

石件各以法精致製度合和辰砂再研次入冰片再研大抵眼藥務在用心脩合細自然有驗

一方有真味

吹鼻法 治暴赤眼方

牙硝 雄黃 各等分細研各炒吹入鼻中化痰取効

○痿痺相類用藥不同論

痿因血少氣虛火盛製金肺葉焦枯而宗筋不潤肝木乘旺脾土受傷飲食減少四肢不舉或食而無力故精血虛耗使皮血筋骨肉痿痺因風寒濕痺而氣滯不行右如濕布積於患處或痛而麻水手足為之不仁今世俗痿作痺治痺作痿治亦有之美予考病源論曰故氣不足痺為有餘治療之法痺而行氣勝濕痿用清燥滋陰証難大畧相類而用藥却又不同槩作一治訛矣又當審其虛實辨其邪正端其本源此治法之大要也

東垣清燥湯 治濕熱成痿以燥金受濕之邪是

諸症辨疑

詩病辨疑 一八三
絕寒水生化之源絕則腎虧痿厥之病大作腰
以下痿軟癱瘓不能動

黃芪 蒼木製 白木 橘皮 澤瀉 五味
子 人參 白茯苓 升麻 麥門冬 當
歸身 生地黃 神麴 猪苓 酒栢 柴
胡 川連 甘草

水二鐘姜三片煎服

五痺湯 治風寒濕痺肌膚手足緩弱頑麻不仁

姜活 姜黃 白木 防己各等 甘草半斤

水二鐘姜三片煎服

烏頭粥 治風寒濕痺麻木不仁

川烏頭生研為細末

右每用香熟白晚米半碗入藥末四分同米以
慢火熬熟作稀粥不可稠下生姜自然汁二匙
曰蜜三匙攪勻空心溫啜之為佳如是中濕更
入意苡仁末二分晚米作一中碗煮服此粥大

治手足四肢不隨及重痛不能舉有此症預服
 防之左氏云風淫末疾謂四肢為四末也脾主
 四肢風邪客於肝則淫脾為肝剋故疾在未
 穀氣風熱之藥徑入脾經故四肢得安此湯劑
 極有功子當製此以授人服者良驗

健步丸 治膝中無力屈伸不得腰背腿脚沉重
 行步艱難

姜活 柴胡 炒滑石 炙甘草 防風

瓜蒌根酒洗 澤瀉各三 肉桂五分

右為細末酒糊為丸如梧桐子大七十九室心

煎愈風湯送下此方專治濕熱在上焦之劑

○諸痛治劑

頭痛有風熱氣虛及痰厥眉稜痛濕痰腮項痰火
 說肩痛為停飲胃脇謂停痰肢體風寒邪虛勞人
 血少腰膝身濕熱心腹有吟即皆有滯氣死血風
 濕火邪作痛停飲停痰脉弦而滑風寒體痛脉緊

諸症辨疑

卷之三

十一

而浮虛勞血少脉濡而虛溫熱脉數而緩冷即脉
伏而結滯氣脉遲而沉死血脉伏而乾風濕脉浮
而緩火邪脉數而洪皆可以辨分明狀而治也治
療之法因痰則祛痰氣滯則利氣病者兩得之藥
劑當祛利風寒則散之死血當活利冷即溫消之
風濕勝溫劑氣虛宜補氣血虛宜補血火邪涼散
之當失此大意

提肩散 治風熱乘肺肩背強直作痛

羌活酒炒 防風去土 藥本 川芎 白芍藥各炒

水二鐘三片煎服 氣虛加人參五分 汗多加黃芪蜜炒 血虛加

川歸地黃○濕加蒼朮防已薏苡仁各五分

芩芷菊花散 治風熱頭疼

川芎 羌活 白芷 防風 荆芥 薄荷

各一兩 細辛 甘草 菊花各五分

兩

指症詳解

諸症辨類 一八三

右為末每服二分清茶調食遠下

通聖散 治風熱作痛脉浮而數 方出風門

羌活散 方出傷寒門 皆可選用

胸脇停痰加減二陳湯

陳皮 去白七分 茯苓 半夏一炮各二分 甘草 二分

作一服姜三片隨後加減法

死血加桃仁紅花牛膝○蕪鬱宜加神麴香附

子童便浸炒○濕痰加入蒼朮羌活防已羌活

分各一○血少加入四物湯行氣之藥藥性火二柴

胡黃芩枝子各五分 酒洗 滯氣加入木香五分不 青

皮紫蘇各七分

桃仁丹 治諸般心腹氣痛 邵南溪方

桃仁 五 五靈脂 五分火

右為末醋糊為丸如梧桐子大每服二十九酒

下或醋湯下或用撞氣丸木香換柳丸 方出氣

清熱勝濕湯 治腰膝濕熱作痛

諸症辨類 一八三

方

川栢鹽米 澤瀉 蒼木製甘草 陳皮去白
仲去 白芍藥 木瓜 威靈仙 陳皮去白

右各製炒如宜作一服水二鐘姜三片煎服
甚者加入乳香沒藥為末五分 牛膝五分

水濕停下入楨榔黑丑頭末各五分 血痛亦加川
歸尾桃仁去皮尖各五分 紅花酒洗五分 倦怠脚如沙

墜加製蒼朮防已各五分 白朮五分 冷風作
痛加大附子二虎骨末五分 去黃栢澤瀉分

而痛加子金皮 川烏○濕熱加炒山梔子○
去氣加入烏藥○痰軟加入川牛膝川歸地黃

各五分 腎虛加破故紙炒入八分
○黃疽

疸者雖有酒谷黃汗大肌女勞五治之分而病源
所論不過濕熱二字古人云穀粟水火不可一日
而去焉蓋水火即人身腐熟水穀之氣也得其平

諸症詳後

謂之水火失其宜謂之濕熱冗為之病或因脾胃受傷而中焦清氣落陷故使濁氣渾然以致濕熱滋蔓或飢中飲酒或大渴飲泉或汗出入水或大醉當風或勞傷汗出衣裏以雨濕而閉塞或過食油麵濕熱之物或內熱而房勞或病怒失下調理濕熱遊於經絡漸積皮膚身面目黃氣不榮衛液汗黃如藥汁譬如造麵用水拌麵盆之不令氣泄黯成黃色故人黃疸豈不是濕熱而成者乎今人

每見此症孰忍實熱投以寒涼或服浸水草藥為害不淺治法解熱利水宜用溫涼古人用黃梔芩運尚用薄酒製炒免傷胃氣際用寒涼脾胃轉傷遂增腫脹死在旦夕予親見如此者多矣病者有老少情慾有淺深不可專執實熱一法治療又當以虛實察其二因詳論及此不可不審

茯苓滲濕湯 治濕熱發黃汗黃尿赤

白茯苓 澤瀉 茵陳 猪苓 黃芩 黃

前經詳述 一八三

訂定新編 一八三

連炒 梔子炒 防已 陳皮 枳實 蒼木各

右吹咀水二鐘姜三片煎服

如小水不通加木通○如食傷不思飲食加砂仁神麩炒 麥芽炒各等分

茵陳梔子湯 治濕熱發黃

梔子仁半 茵陳二 大黃一
水二鐘姜三片灯心一撮煎七分食前服

茵陳湯 治黃疸食已即飢身体面目爪甲皆黃

及小便采黃寒熱或身多赤皆因酒食過度為風濕所搏熱氣蒸鬱而成

羌活 茵陳 木通炒 川芎 大黃炒 梔子

仁去壳炒 石膏 括萎 甘草各等分

右吹咀每服水一鐘半姜三片葱三莖煎至七分去滓不拘時服大小便秘再加枳實赤茯苓葶藶又有傷寒瘀血不鮮鬱於表發於黃疸

諸症詳後

十二

其脉浮緊當以汗解宜入麻黃去大黃

○眩暈怔忡

眩暈仆地怔忡卒驚二症俱類風狀其故何也答曰人之清陽居上濁陰居下何暈怔忡之有蓋因中氣有傷七情鬱結使清氣下陷濁氣上升亂於頭部主頭旋目暗或時耳聾或耳鳴之症濁氣亂於心胸此火居上痰在下怔忡健忘作矣然其清氣谷氣另名濁氣者濕熱痰火也余考病由不過水火偏勝外受風熱內積鬱痰治瘳之法氣虛眩暈溫痰脉滑耳鳴目暗鬱七欬吐如風雲之中宜天麻白朮湯脉沉清滑如屋旋轉宜芎藭道痰湯老人陽衰氣虛眩暈多言欬倒宜沉香磁石丸怔忡痰火時作時止脉滑而沉宜溫胆湯用心病后血少怔忡宜安神丸養心丹健忘矢志宜歸脾湯又當審人虛實冷熱庶不悞矣

天麻白朮湯 治眩暈如風雲之中欬吐

諸症詳錄

卷之三

廿八

諸症辨類

一八三

十八

天麻 白木 半夏 陳皮 人參 澤瀉

神麩炒 麥芽炒 黃芪 茯苓 蒼木各 芎藭各 酒

栝 乾姜半

水二鐘煎服

道痰湯 滌風痰治眩暈如屋旋轉者

陳皮 白茯苓 半夏 南星 枳實各

甘草

水二鐘姜三片煎至七分食遠并梓服

沉香磁石丸 治陽衰氣虛痰氣上透頭腦精冷

無子眩暈等症

磁石二兩 沉香 熟地黃 茯苓各 甘

草五 陽起石一兩 附 青鹽五 石斛 麥門

冬心去 肉蓯蓉 胡芦巴各 白木八 芍藥

稿本 續斷各 遠志去 靈砂五

右為末酒糊為丸如梧桐子大每服四十九連

子煎湯早晨下

諸症辨類

一八三

十八

諸症辨類

一八三

廿九

安神丸

治病後血少怔忡不睡

方出靈煥門

茨山養心丹

治男婦心虛少血神不守舍恍惚

怔忡健忘之症

當歸

熟地黄

阿膠炒

栝子仁

酸棗仁

黃芪

茯神

石齒

茯苓

紫石英

各一兩

丹砂

五分
為衣

右為末蜜丸如梧桐子大每服五十九丸東湯送下或蓮子湯下

歸脾湯

治失志健忘

人參

黃芪

茯神

甘草

木香

酸棗

仁

圓眼肉

白朮

各半

右每服水二鐘姜一片煎服滓再煎

○癩癩

癩癩之病謂之邪病癩則風邪全歸於心癩則邪流五臟然其人身氣血足中氣和何邪之有人之六慾無窮損傷中氣鬱結傷於心脾致使中氣不

奇症辨類

一八三

廿九

運故多痰心無血生故多火痰火既盛或因情欲
 失志而風火怪症隨之入其五臟則顛羊鴛牛馬
 猪畜狀斯以慮乎心肝脾肺腎也古方治法風火
 顛脹皆謂有餘每以祛風瀉火金石之劑從而治
 効者有之因而綿延者亦有之予考其疾未有不
 因臟神亢虛然後風邪得入實者邪氣實虛者正
 氣虛不可偏執一見但當審人虛實冷熱然後清
 痰降火安神養血獲効者多矣

防風通聖散
 方出風門

治風邪熱結瘧癘脈數口渴之症

承氣湯

治情氣鬱久膈膈顛癇等症

方出傷寒

千金保命丹

治久近失心產後失血顛癇等症

方出風門

又顛氣虛血弱宜服紫河車煮爛燻之神驗

○治府學辛掌教得効錄

予嘗治一士大夫年七十歲少年患虛損好食補

者三

卅一

諸症辨類 一八三

藥一日事不遂意頭目眩暈精神短少請醫調治
遂以前症告之謂嘗服人參養榮補中益氣湯每
貼但用人參三五錢其效甚速若小可服之茶湯
耳醫者不審遂用前方倍以人參熟地但服如是
却以為年高氣血兩虛當各固本丸與湯丸并進
獲效速矣服之數服脈浮反致加於氣急因延予
治診脈形大力薄予細問之病倫告一度之間曰
公有年氣之所醫諸醫不審同病異名同脉異經
之說既行補藥所以病日加矣病者撫脾而嘆曰
先生之言深中予病遂用四七湯數服稍覺精神
調暢氣血和平不逾十日其病愈矣

○或問失声声啞治不同論

或問人病失声声啞其疾何由而致余曰痰火上
升而寒於肺吼故人失声其失血真陰咳嗽肺氣
散而不肺故人声益人心肺猶若鐘磬然懸虛則

諸症辨疑 一八三

廿二

鳴遇物填實其內雖擊之亦不鳴矣今去痰火者猶去鐘磬中之塞物也声啞者猶鐘磬被物擊破有声而無音故治各不同矣失声者不治自愈声啞者治而不瘳其理可不明乎

○氣升論

或問東南之人陽氣易升西北之人陰氣易降何也故天傾西北地不滿東南天陽而地陰也東南之人木動火明陽氣易升西北之人水流土旺陰氣易降蓋人陰常不足陽常有餘故病人氣升者多矣

○治疝得要論

予每見男子小腸疝氣發作痛不可忍陰囊腫大或偏墜一邊發作之時小腹捫之声如青蛙其氣状如木李桃李衝上則面黑墜下則仆地病者不勝痛苦諸医治療莫測其機古云疝專主肝經與腎經絕無相于以愚度之恐為未備其疾肝經屬

七

本心腎屬標疝者多因溫熱怒氣傷肝房勞過傷
心腎胞絡鬱結小腸皮裏膜外氣聚故無出以致
如斯或曰先生之言本病在肝標病屬心腎今以
房勞過傷者為論獨言其腎也譬如小兒偏墜無
房勞氣鬱而疾何由作也予荅曰小兒雖稟父母
溫熱氣鬱小腸而或偏墜皆不甚疼痛至於中年
房勞過度戕其真氣胞絡氣虛腎和衝上往來疼
痛故發作無度今世俗或云腎氣冷而成者或作
怒憂鬱結而治者每行香燥之劑多不獲效或用
大黃巴豆牽牛之類利其大便元氣轉傷如抱新
救火其疾愈甚予考小腸多氣少血之經心氣鬱
結則腑受邪肝氣一盛則子亦盛矣故二氣攻入
小腸膀胱而痛病者但手捫之可忍殊不可皮膜
漸寬其氣愈熾服藥不能避忌年遠根深蒂固故
難治矣予每用五苓散內加行氣之藥獲効者多
故利小便出邪之法知者辨矣按藥性賦云猪苓

諸症辨疑

八三

廿三

澤瀉分陰陽以和心故心與小腸為之表裡心和則小腸氣亦通矣白朮利腰臍間濕并死血茯苓淡利膀胱水足每行枉而枯桂伐肝邪伐其本也茴香善治小腸之氣金鈴子橘核去膀胱腎氣核柳墜下少木通以為導引小腸之火出也屢用屢驗當錄之以惠人為方便耳

荔枝散 治疝氣陰核腫大痛不可忍

荔枝核十四枚新者燒灰存性 沉香 八

角茴香炒 木香 青鹽 食鹽一已上各 川練

肉 小茴香各二

右為細末每服三小空心用好酒調下

川練子丸 治疝氣一切下部之疾腫痛悉皆治之

川練子取淨肉一斤作四分四兩用麩二合班猫四十個同炒麩黃色去麩班猫不用四兩用麩一合巴豆四十粒同炒去麩巴豆不

諸症辨疑 一三

用四兩用麩一合巴戟一兩炒麩同巴戟黃

色不用麩與巴戟四兩用鹽一兩茴香一合

同炒黃色去鹽茴香不用一二

木香不見火破故紙一兩炒

右為細末酒糊為丸如梧桐子大每服五十九

用鹽湯送下日進三次空心食前服

三仙丸 治腎虛寒小腸疝氣

川烏一兩蒼朮米泔浸一宿用

舶上小茴香三兩以鹽少許炒香

右三味為細末酒打糊為丸如梧桐子大每服

五十九或三十九食前溫酒送下

一方治小腸及偏墜

用烏藥五天門冬新掘者

右二味俱剉碎以新吸水煎服

○春宣作下法悞人說

今人春宣作下法予考之非也春乃諸陽之所升

人病在頭故宜吐之所以升因升用此為主治但胸中胸悶停食宿痰上壅積熱中脘鬱而痛皆宜吐之其有胎婦人氣虛氣切宜慎之余每見宣法悞作下劑訛矣

○治安人項尚器得効錄

予治一內傷鬱痰虛氣諸醫皆作有餘之氣每用四七分氣消導之劑服之氣升似火又以梔芩黃柏建康之劑服之其患愈劇四肢瘦削早晨氣朝左若火焚難過一日請余診脈浮大無力知氣虛而清氣下陷故也予按先賢以甘溫而退熱遂以補中益氣湯倍入參耆服之其熱漸平飲食倍進次以蠲飲和茶丸服十日倏然利出鬱痰升許然後用六味地黃丸入紫河車一具調理月餘其患瘳矣吁如此不足之氣悞認有餘投以利氣瀉丸之劑服久而死是誰之辜凡遇諸氣熱認虛實治瘳庶不悞矣

言五勞卦 一三
○膏梁藜藿治不同論

或問富貴之人得病用藥而罔效貧賤之藥用及時而即痊藥一也而功之成否異焉何也蓋富貴之人晏安而心勞厚味而多慾外感少而內傷多故藥罔效貧賤之人日以形勞動蕩血脉夜以心安多睡故藥少而効速矣或有貧者得病日深服藥無効者何耶其間聰明苦困思想無旁反甚前者所以膏梁之腹與藜藿之不同矣抑且備急凡化鉄丹神祐丸不可施與城郭之人慎其內傷多故也倘有前症亦宜詳切不可悞投前藥為害不淺

○內傷作外感悞人論

予嘗治一男子患內傷微熱咳嗽其人素非保養之士不忌葷酒日久則臥床就枕矣請余治之兩手脉弦以參蘇飲二帖頭目稍清餘熱未退次以滋陰降火湯未獲全効病家易醫治之彼曰此傷

寒前人用藥訛矣當得大汗而愈遂以葱白散火
 發其汗其脉愈浮其熱愈熾日晡陽虛頭疼医尚
 以風邪未解仍以清飢解散之藥虛益甚矣復請
 予診脉之弦大虛訖段革男子則忘汗失精矣今
 當服補中益氣湯數服而安次以人參養榮湯五
 十貼其患遂瘳故先賢有言大抵發汗太多則促
 人壽為医者可不慎乎

○內傷不辨吳人論

凡得勞心嗜慾七情飲酒飢飽過度此內傷也初
 雖未覺久則成患况不能保養者多因辛苦所衝
 或為飲食四氣所發以致身熱頭痛惡寒潮熱或
 有微熱脫衣換着膝理不容易感風寒訛類傷寒
 諸發熱實非傷寒也醫不明此驟用麻黃紫蘇荆
 芥大發其汗熱未退仍以瀉火涼劑下陷清氣濁
 氣轉升故食下腹滿又大下之故中氣愈不足以
 致汗多亡陽下多亡陰亡陽耗散豈無死者嗚呼

諸症辨疑

一八三

廿八

如此豈不是傷而復傷感而復感亦有陰虛潮熱
誤投參芪過多正所謂實虛損不足益有餘
如此死者醫殺之耳

○內傷厭藥論

吾嘗治病見內傷諸症要按東垣從長治本奈何
世俗服藥不過數服而厭或治至六七易醫換藥
或作外感或治從標輕病必危上病必死故使其
不能措手於此時是世惜不知醫也昔齊桓侯不
信扁鵲之言故有膏肓之患使學者不能與齊桓侯
於斯時也東垣丹溪聖醫也治內傷用藥以二十
貼為勝五十貼為常百餘貼為率今人性偏恣慈
治五七為貴医者具可咲哉

○庸医好毀同道匹夫非理責医二者可戒

予嘗治一男子年五十歲原患中風後其人素有
痰火一日因慾感冒頭疼身熱六脉弦數無力以
苦蘇飲二貼服不終劑請議於傷寒科將藥以告

之曰今病服此藥可以對証否醫曰患係傷寒當以行涼發汗若再服此者必死發此毀言而以前重賄病家信之反有怒色予遂退歸却以前藥中止加黃芩薄荷以為良劑數貼熱不退又換用双解散解毒湯其汗如雨如此半月心脾氣陷虛而轉生有同道者行涼發汗久矣病體尚然其脈沉無實熱心既怔忡莫若以溫胆湯服之稍定數服如是其醫仍改涼劑一日氣升痰興異醫報谷而退舉家徬徨為治後事適姪復請予視之見其面色青黑痰喘作聲脈沉間斷舌上黑胎四肢厥冷予知內傷之患冷藥太過使腎邪衝上多吐痰唾鬱久所以喘而存聲但得附子白丸子可愈伊姪聞之吐舌搖頭曰先生用此藥與前醫霄壤懸隔矣彼之妻子親族皆流涕而相囑曰事非小可敢乞用心如得回生一家感戴遂饋以白金十兩予拒之曰醫本活人為心豈圖厚利其侄見余正色相

諸症辨疑 一三

却再拜謝曰公既不受惟愿病安謹當備帛請我兄弟輩效古人種杏酬之予可其說乃用既濟湯加附子數片及白丸子數服痰氣遂下而漸進湯食調理十日前患瘰矣病者後語人曰某医用藥不如法某医用藥悞人我昔染病實由自燒矣豈用藥而獲安哉吁若此庸人毀道而匹夫輕命忘本反歸罪於医是豈仁人之心乎故記此以自戒

既濟湯 治陰陽隔絕霍乱虛煩傷寒病後陽虛

煩渴手足微冷之症

甘草炙七 人参一分 麥門冬去心一分 茯苓一分 半夏一分

湯泡六分 淡竹葉撮 附子包二分

右製劉成藥珠作一服水二鐘姜三片煎服

○戒浩飲論

凡遇天寒胃霧或入病家則飲酒三五盞壯精神辟疫癘閑暇則陶性情養血脉飲者不過量方而

已過則耗傷血氣也古云飲酒無量不及亂此言
 信矣飲者未嘗得和於氣血抑且有傷於脾胃傷
 於形亂於性顛倒是非皆此物也早酒傷胃宿酒
 傷脾為痰沫醉以入房以竭其精今人死尚
 不知雖知者亦迷而不戒焉恭浩然之氣節色而
 養精神戒飲食而益眉壽此先聖之格言矣後人
 之龜鑑

○瘡瘍癰毒與喉痺用藥不同論

或問瘡瘍癰毒與喉痺雙鴉發病增寔壯熱癰毒
 相類而用藥却不同者何也曰診少陰脉微當
 喉中痛自傷者非喉痺也其病未有不因上壅積
 熱而致者但前三日胸中不利者喉痺也諸陽浮
 數而酒上惡寒如有痛處飲食如常畜積有膿也
 常發癰毒其脉數而無力數脉不時當發惡瘡治
 療之法癰毒未潰行涼敗毒下之為宜癰毒已潰
 托裏解毒不下為宜其喉中不宜太冷風痰一結

者正許疑

病亦危矣

行涼敗毒散

治癰毒初發未潰惡寒壯熱脉大

而數

防風 羌活 柴胡 枳殼 川連翹 川

芎 黃芩 梔子 乾葛 甘草 金銀花

芍藥各等分

水二鐘煎服散發散入葱三根清解去灯心一撮大便燥結且下之加入大黃生消煎服

托裏解毒湯

治癰毒已潰日久人倦脉弱

白芍藥 甘草 茯苓 人參 柴胡 玄

參 川歸尾 川芎 連翹 白欵 黃芪

紅陳皮各等分

水二鐘姜一片枣一枚煎服

東昌中一齋奇妙方

用乾姜兩許炒紫色為末用醋或乳汁調勻使

鵝翎上藥四圍時時敷之中留一竅使氣出其

癰疽自愈方服托裏散如潰因光粉以為末用水調四圍上一菲葉其毒自收瘡口

升麻和氣飲 治大人小兒瘡瘍濕熱燥痒增寒壯熱

升麻五分 白芷七分 陳皮五分 川歸七分 芍藥七分 川芎八分 半夏五分 乾葛五分 蒼朮八分 甘草五分 枳殼五分 茯苓七分 桔梗五分

水一鐘半姜二片煎七分不拘時服

搽濕熱爛瘡藥

木鱉子十 水銀二 蛇床七 苦參七 大風子廿
个去壳 流黃五 个个

神驗膏 爛神効

右為細末燭油調槐柳荆芥防風煎湯洗之神驗膏 治諸般癰毒瘡癤及天疱結成風毒潰爛神効

金銀花四 川歸六 羌活六 防風四 川連翹六
芍藥四 荆芥 黃連 白芨 天花粉 白

諸症辨疑

一三

四五

欽 大黃各四 玄參三 沒藥 真血竭 滴

乳香各四 木鱉子十五个 甘草二 槐柳枝

三 黃丹水飛過炒透七兩五錢夏月八兩冬月七

兩直麥麻油一斤。右除乳香沒藥黃丹血竭

四味另研入內餘藥俱剉浸油春夏三二日秋

冬五七日然後以文武火煎油滴水成珠不散

却入黃丹以柳枝攪不主手攪勻成膏將口火

少待火氣息然後却入乳香沒藥血竭亦攪勻

入磁器鉢內以油紙作膏貼之以清瘡毒却用

荊芥防風苦參金銀花甘草槐柳枝煎湯洗之

甘梗湯 治風痰上壅咽喉腫痛吞吐如有碍

苦桔梗五 甘草一

右作一服水二鐘食遠服

升麻敗毒散 治風虛心經蘊熱痰涎壅塞咽中

吞吐有碍腫疼身疼潮熱惡寒

諸症辨疑

一三

四五

人參 甘草 羌活 枳殼 川芎 川獨

活 桔梗 柴胡 前胡 茯苓 升麻

防風 薄荷 各等分

水二鐘煎七分食遠服口渴入黃芩

上清丸 治咽喉腫痛痰涎壅盛 方出火門

金鎖匙

雄黃 研末半分 巴豆 一粒去油

右作一服用生薑汁調灌下或吐利皆愈

一方作末以姜汁大黃末為稀糊丸每三九薑豆

大井花水下亦驗此瀉之法

奪命散 治急喉風等症

白朮 枯 硼砂 猪牙皂角 云皮孩子 各等分

右為末每用少許吹入喉中痰出即愈

○天疱瘡

或問溫處先年素無天疱楊梅綿花等瘡近天以
來其瘡盛行者何也予答曰此疫氣過南也以其

諸症辨類

一八三

四六

氣而傳染者多先無今有此言亦有道理今世倍
瘡發之時服藥者十多三四變成歷節風痛晝夜
声屈或結成毒腫塊或出膿或出血臭不可近富
者求医怨口間或保全貧者凡百不忌多喪其命
深可憫哉余留心閱諸方皆無治法惟我丹溪彦
脩朱先生教人以通聖中加減量入厚薄治療得
効雖遲而病者十無一壞世倍皆不述用即今瘡
發異端方法繁雜得病求医而用藥者皆口傳筆
授不審病人虛實腸胃冷熱稟賦厚薄遂以大劑
輕粉雄黃丹砂蜈蚣龍麝諸毒之劑以毒攻毒之
說殊不此藥施與賦厚血實之人還可庶幾間或
稟薄形冷血少之人服之死期迫矣按藥性云毒
藥虫魚并心部乳香輕粉信枯礬蓋輕粉寒涼損
氣傷血之劑射香走脾入肉龍腦入腎透骨如瘡
初發驟用此藥遂將風毒引入經絡如油入麵莫
之能出所以變出異端風毒如此治法誤医者多

矣余特此參出方法但以解毒祛風涼人虛實功
出自然可以保全亦無罪歸於醫患家亦不可求
其速效反自取死誠可警焉

天庖瘡方

真珠一分 牛黃五分 白瘰癧去刺五分 白鮮皮五分 川連

翹一分 芙蓉葉五分

米糊為丸如梧桐子大每服三十丸清茶送下

天庖又方

川芎 川歸 芍藥 胡麻 防風 羌活

痰藜去刺 何首烏 枸杞子 白芷 姜蚕

牛蒡子 苦參 荆芥 川連翹 蔓荊子

天花粉 黃芩 黃柏 玄參 皂角刺

芙蓉葉 威靈仙 甘草各等分

氣虛俱有實熱 盛者入輕粉二錢

右為末米糊為丸如梧桐子大每服七十九清

茶送下煎藥亦可服之

天

諸症詳定

記

董藥

水銀

輕粉

雄黃

鉛錫各一

木鱉子

五

麝香

右將水銀同鉛化開共為末以紙捲入如筒燃之今患人飲食以壯其胃然後令患人坐董其瘡以綿被衛之勿令藥烟風泄出汗其患即愈躰虛之人及氣虛者不宜董恐令人發腫

○夏月中寒

一人暑月探親行百里渴而飲山水至晚到彼以單席陰地上少睡頃間寒熱吐瀉不輟身如刀割而痛請醫皆曰此中暑也遂進黃連香需飲一服次以六和湯隨服隨厥請予診其脉細緊而伏予曰此中寒也衆皆笑曰六月中寒有是事乎余曰此人肥白平素畏熱加服涼劑况遠行途中飲水必多今單席卧地夏月純陰深中寒氣必以附子理中湯大服乃濟其人語曰吾在家夏月常服金

花黃連丸今途中多服益元散及瓜水因得此患
 余咲曰此果然矣用之甚驗衆醫無語余考仲景
 張先生曰夏月陽氣在表胃中虛冷故欲著復衣
 今人酷熱日取風涼夜多失蓋飲水滄水多服涼
 劑或以井泉浴体久而不成患者鮮矣

○冬天傷暑

有一婦人冬月偶得一患洒上惡寒翕上發熱惡
 食乾嘔大便欲去不去諸醫皆以虛弱痰飲治之
 以滌痰二陳湯補心芩藥服之愈不安矣延至三
 月間請予至家治之診其脉虛而無力余曰類乎
 傷暑衆以為不然予究之其婦人此患因何而感
 其婦人曰昨因笑寢換着綿衣令婢取綿套一床
 蓋之須臾煩渴寒熱嘔吐時作延至今日余曰誠
 哉傷暑也汝之綿套晒夏因熱收入箱中必有暑
 氣向未開泄今人躰虛得之易入故病如是婦人
 曰然遂合黃連香需飲連進二服其患瘳矣噫冬

名症辨疑

三十一

五十

天傷暑夏月中寒病亦鮮見此醫家問切之功活
變之法倘遇此者敢不辨焉

○治虛陽口瘡得法論

有一男子年及三旬病後遍發即毒醫以敗毒散
又服其毒遂收惟有瘡瘍而已忽一日食羊肉遂
嘔過一夜滿口發瘡伏如濃窠寒熱時作羸瘦憔悴
遍請諸醫皆曰早間毒敗不尽故爾仍行敗毒
涼劑渴執轉生越數旬飲食咸少因請余診治脉
浮無力此乃虛陽若用涼劑不及危矣遂用附子
理中湯服之少頃熱燥口開舉家責以附子為害
也曰此無妨彼人虛甚况執藥熱服故燥耳仍前
一服其病遂安連進二服次早口瘡俱收寒熱已
定病遂愈矣予思虛陽染患者亦有之后之遇此
者可不辨焉

○辨用硝黃巴豆候人論

人病失血耗氣之餘老人血少多有秘結之患人

皆不知此故用大黃朴硝重者牽牛巴豆隨利隨
 結殊不知此輩皆血少津液枯竭腸胃乾燥之人
 宜用麻子杏仁潤活之劑腸潤自通其病漸愈若
 妄用大黃巴豆之類損其陰血故病愈加矣所以
 局方製麻仁丸少用大黃治老人風秘血少腸胃
 燥結者此也今世俗俱不考此但利用者用之而
 麻子仁治於不足不利於脩合而功性且緩世俗
 少用而硝黃巴豆治於有餘功性且速而利於用

今人孰能用之凡藥與病情不相合醫不明此苟
 取其用豈不悞人而今而後病藥得其宜而醫者
 不可失其用此醫者之良能也

○辨心痛脾疼治不可同論

或問心痛脾疼其疾何由而作也曰古謂之心痛
 脾疼陰寒之候今人堅執此理每用諸香丁桂延
 胡止痛之劑久服不効便以痛隨利減之法輒用
 巴豆牽牛大黃瀉其大便益損陰血其疾愈甚愚

言疑辨疑 一三
考心為君主之官謀慮出焉或為思慮憂戚損傷
心血心無夾輔胞絡貫心而痛此為不足之症治
法宜用參歸妙香散七氣湯分氣飲治之脾胃為
倉廩之官變化出焉或為飲食所傷脾胃寒痰氣
滯脹滿嘔吐而痛此為有餘之症當用蠲蠲散備
急凡消導之若心痛不足之急候作脾疼有餘之
症投以香砂丁桂巴豆牽牛利劑豈不悞矣抑且
心為不足脾為有餘故心痛脾疼異焉予曾經歷

常言辨疑界分方法恐用一法者必有悞矣因
此疑自辨焉

○治溢飲得効錄

有一男子瘦弱因卧卑濕之地遂得溢飲之患頭
目眩暈羞日光寒熱時作四肢瀝節疼痛醫作風
治或作虛醫將及半年俱無寸効一日請予視之
曰寸口脉沉而滑兩尺脉弦此溢飲濕痰也當汗
吐之則愈請醫責予狂妄病者虛羸之其當行補

者宜詳辨

劑反用汗吐之必死予曰無妨此溢飲當發其汗
遂以控涎丸一服却用曝乾綿花子一斗燃之以
被圍之勿令氣泄令病人坐薰良久倏然吐出黑
痰升許大汗如雨痛止身輕其病遂瘳諸醫欽手
而退噫如此溢飲悞作氣虛而治必致悞人後之
遇此者不可不察也

○製鹿膠霜法

以鹿角取其新近解者三寸或四寸令匠人用泥
鋸長二寸却以新汲水浸一宿次早洗剥去角上
塵垢然後用二沙罐一罐盛角一罐盛藥珠皆入
新汲水以桑柴燒煨如無桑柴以白炭煨之二罐
俱沸如角確水乾則徐加入藥水藥確乾則加入
新汲水如法煮三晝夜以鹿角酥為度却為鹿角
撈起存汁一碗如黑漆色磁器盛之每早晨以鹿
角砂五茶匙入酒一盞清晨服此二三盞補精血
壯腰膝固腎益元陽入湯藥中又治男子精枯血

竭補形氣及吐衄諸血婦人帶下崩中入藥無不獲効

熟地黄兩四天門冬兩三

脾胃不足入乾山藥兩三

鹿角研細名鹿角霜入藥能滋精補腎婦人帶病

○倒倉一法不出丹溪先生心要

余現倒倉一法不出丹溪先生心要而得之西成

異人之法門人悞錄於勞瘵吐血條下豈不且勞瘵咳血真陰虧損臟腑脾胃虛弱津液枯涸不宜吐瀉况斯患與積氣停痰治不相同傳訛訛矣深可疑哉

○不服水土說

嘗聞四方風土不同南人過北土人過南輕則生瘡發瘡重則疫痢傷寒文云閩廣瘴氣朝沾夕死夕沾日死往見斯言未嘗准信道因上年五月西

詳症辨疑 一八三

北解至新軍十人患痢傳染軍妻繼故長解亦亡
由此觀之不服水土之言信矣余憫此夥人衆來
此正值酷熱於途勞苦一得溫熱故傳染而死亡
存服藥三人皆至鋪拜謝泣下告余曰某上解軍
皆蕩產破家余問其詳何也某曰上年兄賣產業
業故在途今年揭債解軍幾死在衛如此有負官
府年上勾軍歲上僉解十無三四到衛勞民費財
無益於事軍民有幸倘遇道途上愛之心閱生

民疾病之苦故本乞回

天意行以近就近恩例上補 國朝軍無缺伍之

憂下救庶民無破家之害如此一歲救千萬人而

無斯患矣

○解疑律 五條

有一狂士因親賀壽過飲甚醉送宿花軒夜半酒
渴欲茶門戶深閉彼無奈何遂將口哺石礮中喫
水碗許天明起觀礮中俱是小蛆蛇心陡然而驚

者王祥

五二

諸症辨疑 卷之三
西鄉一人患病久慕城間名醫與迎治病因事絆
不許親行遂令伊兄前去患者不樂服藥不効遂
送歸仍請本醫至途遇兄詢其病源兄曰其病某
脉用其藥今在此囊中遂將藥帶至患者家病者聞
至遂有喜色診脉後徑將前藥煎與服之病者曰
此藥氣味與前藥霄壤懸絕矣須臾問曰何如答
曰稍可次日再其患愈矣吁藥一也其氣味異焉
蓋其人疑心故耳

○其四疑藥

予治一患氣虛脾泄畏服利氣藥一士夫病失血
素好服補陰見參耆如畏蛇蝎今日補陰明日補
陰但如此則可或惱怒勞佚或食傷火動則責醫
用參耆利氣藥故也吁性偏疑藥病加責醫亦非
士大夫待醫之氣象也

○其五疑物

或買衣服或買器皿或買眠床初雖未覺後或訪

諸症辨疑 卷三
知其病人卧床其患人用的物遂起疑而成病者
有之經云心乱則百病生心淨而萬病息其言信
矣

諸症辨疑三卷終

刊校訛諸症辨疑袖中金四卷

○婦人調經論

婦人得陰柔之躰以血為本陰血如水之行地陽
氣若風之旋天故風行則水動氣揚則血調此自
然之理也經云二七而天癸至任脉通太衝脉盛
月事以時下交感則有子矣其天癸者天一生水
也任脉通者陰用之道泰也太衝脉盛者氣血俱
盛也何謂之月經月者陰也經者經絡也良方善

曰月信者實也對月而來應時則合常度參差則曰不調之則疾病不生逆之則疾病蠶起過期而行經者血寒也未期而先行者血熱也經行作痛氣之滯也來後作疼氣之虛也其色紫者為風黑者多熱淡者多痰如烟塵水者血不足也予考古方耗其氣以調其經以鄙見人之正氣不宜耗也太衝者氣也任脉者血也氣升則升氣降則降血隨氣更無斬息若獨耗其氣血無所施正氣既虛邪氣必勝故百病生焉其經安得調乎况心主血脾統之胃為衛之元也養其心則血生實其脾則血足氣勝則血行矣安得獨耗其氣哉此調經之至要也行經之時保如產母一失其宜為病不淺當戒暴怒莫損於衝任遠色慾莫傷於血海一有抑鬱宿血必停走於腰脇注於腿膝遇新血繫傳則疼痛不已散於四肢則麻木不仁入於血室則寒熱不定或怔忡而煩悶或入室而狂言或

湧上出或歸於大腸皆四氣七情之所致也治療之法心氣沸鬱宿停經候者以小調經散治之瘀血蓄積散於四肢者以大調經散行之濕痰以木附二陳湯治之潮熱以逍遙散清之入室寒抗謔語者小柴胡四物湯主之甚者以玉燭散下之湧吐者破血行經崩中久下月舉血氣若能養性情節飲食戒暴怒則百病不生而孕育多矣

主方

四物湯一

川歸 川芎 各一各半 淮生地黃 一各半 芍藥 炒二酒洗

水二鐘姜三片煎服

經病飲食少思脾胃虛弱加白朮陳皮炙甘草

砂仁麥芽 炒 香附米

經行作痛加延胡索青皮 去穢 乾姜 煨 吳茱萸

經過作痛氣虛不運血無顏色加黃芪人參

血色紫加防風荆芥白芷

諸症辨類

四

三

經水不行加紅花牛膝各酒洗馬鞭草

胸膈閉悶加枳殼炒香附子製炒

未至期先行經血中有熱宜清血加條芩炒荆

芥

過期行經傷血寒加乾姜煨肉桂

血色淡多痰濕熱加半夏泡茯苓陳皮白朮

身重倦怠多濕加製蒼朮姜汁炒山梔已上各

血如塵水加荆芥炒熟地黃各一各

小調經散 治婦人經候不調赤白帶下作

症

白芷五沒藥 肉桂 甘草各二赤芍藥

細辛洗川歸酒洗延胡索炒各一射香三琥珀一

右為細末每服二錢生姜汁溫酒任下

逍遙散 治婦人血虛潮熱經候不調咳嗽往來

小腸作痛

柴胡 白朮 茯苓 白芍藥炒 川歸各一

諸症辨類

四

三

言五辨疾

甘草 薄荷各五分

水二鐘姜三片束一枚煎服

五積散 專治婦人寒濕客於經絡經血不調身

疼腹痛增寒壯熱內傷生冷外感風寒產後血

氣皆治

白芷 陳皮 桔梗 甘草減半枳殼 川歸

麻黃 半夏泡芍藥 乾葛炒蒼朮 茯苓

肉桂 厚朴 姜汁炒各等分

旋覆花湯 治婦人中脘停飲注汗嘈雜口中清

水脇肋急脹不飲飲食等症

赤茯苓 北細辛 橘皮 官桂 旋覆花

人參 半夏泡桔梗 白芍藥各五分

水二鐘姜三片煎服

經驗濟陰丹 治婦人血氣不調崩中帶下血海

虛冷體瘦久無子息飲食少思婦人諸症

荆芥穗二兩香附子去毛三兩乾姜一兩艾

〔九〕

諸症辨類

葉三兩俱 地黄 莪木俱半 紅花半 陳皮各

兩生 川芎 川歸俱生用各 白芷二兩 烏豆熟

延胡索炒各 芍藥二兩 桂心生用 荷葉灰各

右除半生及生用者俱對待者後項藥同研用

其荆芥香附艾葉等該煮者俱對待用一石

入藥在內却用米醋二升可用碟蓋上四畔皆

以炭火煮一晝令香熟為度取出晒乾同前生

用藥與為細末以米醋加糊為丸如梧桐子大

每服六十九加至八十九清米飲或溫酒食前

送下

一婦人行經時着氣惱經過半月後得心腹腰脇

痛不可忍醫作氣治每以香燥止痛之劑服之

愈不安予診其脉弦急不然早間行經着惱瘀

血作痛遂以四物入桃仁紅花延胡索莪木青

皮之類數服血通其患愈矣

一女子經水過多行後復行面色痿黃人倦無力

諸症辨類

遂以川歸身炒芍藥熟地川芎荊芥續斷炒乾
姜炙甘草數服而安

一婦患筋骨肢節疼及身背頭疼兩手脉弦增寒
如瘡每以散風止痛劑罔效後以四物入羌活
防風秦艽官桂數服而愈

一婦人患臍下虛冷腹痛用川芎歸身芍藥炒延
胡索丁皮乾姜立服有效

一婦人經事欲行臍腹絞痛臨行血凝以四物湯
入延胡索檳榔青皮香附子之類數服痛除

一室女行經後小腹作痛此因氣血俱虛也遂用
八物湯加砂仁延胡索服之漸愈

一婦人行經色淡尤如黃漿心腹嘈雜汪洋此脾
胃濕痰故也以二陳湯合四物湯入細辛蒼朮
數服即止

一女子患血積面黃體瘦飲食少思腰腹作痛用
四物湯加蓬朮木京三稜肉桂乾漆之類數服

而愈

一女子經水下如黑豆汁此絡中風熱也以四物

湯加黃芩川連荊芥穗葛荊子數服血色清轉

一婦人經水適來滴斷寒熱往來以小柴胡湯二

服寒熱即止然後以四物湯數服而安

一婦人血崩不止用炒蒲黃生地黃黃芩隨服即

愈

一婦人因經血過多五心煩熱口噴諸症然無

效予用四物湯加胡黃連三服而愈

一婦人往來潮熱者最久今世人用藥動輒便用

寒涼不審虛實故有悞者抑且潮熱為虛發熱

為實潮熱一症或午時至晏或夜至早或咳而

熱或單熱而不咳嗽凡有此症每用逍遙散輕

者五七貼而愈重者十數貼而安其間或有十

數貼服之如石投水者此和勝正氣終為難治

諸病辨疑 卷四
縱或治得亦是延綿蓋道溪駁退潮執之標準也按東垣先生真珠囊云紫胡劫勞傷往來寒熱瀉肝膽之火在臟調經內則主血提各經之清氣白朮理脾氣虛熱往來當歸治虛勞日晡潮熱得甘草能退大熱芍藥瀉脾經之火伐肝木生用瀉血中有餘之熱薄荷清陽去經中血熱茯苓滲利治痰嗽去胸中之火此方配合是其驗也

少年婦人夏月行經得傷寒似瘧譁語狂亂諸醫皆以傷寒內熱投以雙解散解毒湯服之大汗如雨反如風狀次以牛黃丸金石之藥愈投愈劇一日延予診視脉弦而大予思傷寒內熱狂亂六陽俱病豈不口乾舌黑况脉不數病體捫之或熱或靜其腹急痛如此必有內傷在前傷寒在後今傷寒得汗雖解而內傷則尚存故也予細問之得病緣由患家脩告之曰小婦正

行經時因飲食多汗用冷水抹身因得此症余
 方覺悟冷水外閉其汗內阻其血邪熱入室經
 血未盡血得邪熱乍靜乍亂寒熱譫語掉眩類
 風須得玉燭散下之而愈得下之後譫語已定
 次以四物小柴胡湯調理五日熱退身涼其患
 瘳矣

一婦人氣盛血少火旺痰多因事不遂意得怔忡
 之患心惕然而驚時發時止清晨至晏如此無
 度每服鎮心金石之藥愈不安一日延予診其
 脉左手弦而大知血少火旺右寸浮滑不勻氣
 盛痰多遂以溫膽湯入蘇子海粉數服而安次
 以安神丸常服全愈

一女子瘦弱性急因思過度耗傷心血遂得失志
 顛癇之患或哭或笑或裸体而走或閉戶而多
 言憂貽父母醫禱百計諸藥不効一日其夫家
 迎余至彼診其脉浮而瀦思慮過多神不守舍

用紫河車二具漂洗如法煮爛如猪肚切片少加稀醬與其如意啖之服之二次其患即愈後服立志丸一料日前補心湯一貼調理百日後其父母與其畢姻次年生子人物肥壯

一女子瘦弱日晡潮熱飲食全不進大便七日一去清熱進食藥不効如此一月人皆以勞怯呼之一日延予診視其脉弦而滑石關脉伏不勻知胃有伏痰以滾痰丸四十九服之如常再加

至六十九丸瀉出濕痰升許食飲漸進後服枳木

丸并許倍木二陳湯等藥調理一月其患遂安

一婦人素有心脾氣痛好飲燒酒患舉則四肢厥冷每用諸香附子姜桂之屬隨服隨止一日前患復作遂以前藥服之不安仍飲燒酒二盞酒下腹脇脹滿坐卧不得即下木香檳榔丸一百丸大便通後其痛稍可頃間下墜愈痛過夜延其診之脉數而有方知前香燥太過酒毒因利

高麗辨病

四

十一

而發即以黃連解毒湯入木香少許二服而安
次早患家踵門謝曰某室之患素効香燥今先
生獨用寒涼便愈其疾者何也余曰古人治病
先火而後水故宜活法不可執泥蓋因其脉而
變用其藥問者拱服

一婦人性偏多怒傷血遂得崩敗之患治以歸芎
芍藥香附陳皮荷葉灰之類頻服即安彼患夏
月日取風涼夜以失蓋因得冷風入骨兩足麻
木疼痛不已服祛風止痛藥不効後用大防風
湯數服其患漸瘳仍以烏頭粥服三早晨遂獲
全愈

一婦患宿痰嘔吐時作噎膈治以陳皮海粉枳實
白木香附半夏麩之類愈後以清氣化痰丸常
服其噎膈患竟不發矣

○安胎

或問余曰今婦人小產者最多往往服藥保孕詳

者症詳見

四

十一

有効者何也予答之曰婦人性偏恣慈縱口傷於衝任故有墮胎之患
醫家不審血氣冷熱妄施歸芎膠艾香燥之藥因而墮者有之永為則例者有之
世倍槩用濟陰靈寶丹艾附芎丸以為的當殊不知前品乃溫熱之藥助火消陰之濟血熱妄行故漏胎之患更有且如果品多生春夏少結秋冬既因血漏胎反為寒治必致悞人命特為此參出一方藥品雖少其功甚大但懷孕時自知慎重辟忌服此藥可以保全遂名曰

千金保命方

杜仲八兩去粗皮以糯米煎湯拌勻炒斷系 煙塵續斷三兩去苦

右以二味為細末以山藥末五六兩打糊為丸如梧桐子大每服七十九丸早晨米飲送下忌酒醋戒惱忌

十聖散 治婦人氣血兩虛懷孕無所榮養故四肢無力瘦弱人倦飲食少思或平昔素有墮胎

此藥性平滋血養氣必先月月服數貼則無患亦宜避忌惱怒遠生冷酒醋熱物切宜慎之

人參 白木 熟地黄 砂仁 炒 黃芪 各五分

甘草 炙 三分 川歸身 川芎 白芍藥 炒 各一分

續斷 八分 ○白水煎服

艾膠湯 治孕婦或因頭卧胎動不安腰腹疼痛方出子孕門

墮胎氣血不足氣不足胎無所榮血不足胎無所

養榮養失宜猶樹枝枯果落其間過傷怒氣勞俟動胎內外冷熱傷於子臟又當量輕重而治之

○難產

一日表妹產難三日不下服破血行經之藥俱無効余製一方以車前子為君冬葵子為佐枳殼為使已服立產一男衆醫皆以為奇余曰本草謂催生以此為君國風謂採芋首以防難產何不悞起

遂名曰催生神應散

車前子一两冬葵子三白芷三枳殼二

白水煎不拘時服○十月足者無痛陣亦可服

○連日未產者則加牛膝二○痛而急墜則

入大腹皮八分○欲產不產而無痛陣者血虛

則加白芍川歸尾紅花各一

瘦胎散 治姙孕七八月常宜服之滑胎易產

粉草一两五枳殼五

右為細末每服二分五分白湯點服○又方加

香附子一两

香桂散 下死胎

真麝香五分當門一官桂二

右各用好者研羅為末作一服用温酒調下須

史即下

○子孕論

人生天地間莫不各具一太極也太極動而生陽

靜而生陰乾道成男坤道成女父精母血陰陽奇
偶之道也故精兌則盛滿則溢此消長之道也經
過一三日陰血始平精必勝血感者成男四日六
日血脈盛聚精不勝血感者成女所以陽精先至
陰血後參精開包血陽外陰內故成女胎陰血先
聚陽精後衝血開包精陽內陰外則成男胎故云
單日為男雙日為女左縱右橫而當雙取此陰陽
生育之微妙也或有感而不生或有感而孕也
而多墮其意何也感而不生男子精感之時女子
陰血不足猶若老陰得其少陰枯陽生單種子下
於碗田之中故不發生又有男子精冷如水精清
如水雖女子陰血縱橫而終身亦無子矣感而易
孕者女子血感男子精雖不足猶若老陽得其少
陰枯陽生梯種子下於肥田之中故生而秀實也
孕而多墮者男子貪淫放縱婦人好慾性偏兼以
好食辛酸熱物暴損衝任故墮胎之患必有其膏

梁與蔡藿婦人不同慾之多寡故也有一等婦人
有胎似乎無孕痰氣疼痛發熱醫者不明脉理妄
施耗氣退熱之劑殊不知胎氣宜養病氣宜消若
有胎反用前藥豈不悞矣故養胎者血也護胎者
氣也或有婦人小產太多及至中年設法服藥保
全但慾心不絕其性情不改百凡上氣逆殞衝任
因而殞命者有之故昔人有言飛禽抱卵走獸懷
胎物類尚能保全產育人為萬物之靈反不及此
何耶抑且小產勝如大產瓜菓生而摘之豈不傷
其後曼養生者可不慎哉今人安胎但以紫蘇飲
告於病家我藥最穩有損自下無益自安是以活
套誑人也予考安胎有二難作一也有因母病而
動胎者但療母病其胎自安有胎不安因觸母病
但安胎氣母病自痊此安胎之良法也而今而後
達人須審內傷外感勞佚挫閃傷榮傷衛脉緊傷
榮脉緩傷衛今將治療之法于若以脩醫家叅用

婦人胎前

胎前

胎前

喜采恐驚耗散者宜以黃芪散怒憂黃結者宜以
四物湯有傷熱者芩水湯閃挫以四物內加厥草
根前服胎漏者艾膠湯子懸者紫蘇飲惡阻者茯
苓半夏湯子淋者子淋散子癩者冷下散其間墮
痛逆腰水漿遂破不可安也若能養性情少色慾
戒暴怒如此則無墮胎之患矣
艾膠湯 治胎動不安而漏血者
白芍藥炒 阿膠炒成 熟地黃 地榆炒各川

歸頭各川 甘草 艾葉炒各五分

水三鐘煎服忌酒醋糟物

紫蘇飲 治妊娠胎氣湊上心腹脹滿疼痛

紫蘇 人參 陳皮泡 白芍藥炒 大腹皮

川歸 川芎各等分 甘草減半

水二鐘葱白三莖煎服

半夏湯 治妊娠惡阻嘔吐等症

旋覆花 陳皮 白芍藥炒 人參 甘草減半

言... 十八

川芎 茯苓 半夏 泡當歸各等分

水二鐘姜三片煎服

子淋散 專治姙婦淋瀝尿道頻數作痛

麥門冬 白茯苓 木通 大腹皮 甘草
淡竹葉 各等分

水一鐘姜皮一片灯心一撮煎服如人參防風

大腹皮治姙婦頭項強直動怵緊急言語痰涎
不或時發熱不省人事名曰子癰風

冷羊角鏽 酸束仁炒去殼 川獨活 五加皮

防風 川歸 酒浸 川芎 茯神 去木 杏仁 去皮尖 木

香 薏苡仁 各等分

水二鐘姜三片煎服

婦人附暖宮丸 治婦人子宮虛冷帶下白淫面

色痿黃四肢痠痛倦怠無力飲食減少經脈不

調血無顏色肚腹時痛久無子息服藥更能戒

惱怒生冷累用

諸症皆效

言

十九

十九

艾葉

大葉者去枝梗三兩

香附子

去毛六兩俱要合時候者用醋五升

以石

礮煮一晝夜

官桂

五枝去根

川芎

二兩雀腦煮

川歸

三兩酒浸續斷

吳茱萸

二兩去枝

取黃

色白心

白芍藥

二兩薄酒炒

淮地黃

一兩生用酒洗

乾培

其為細末上等米醋打糊為丸如梧桐子大每服五十丸淡醋湯食遠送下

合藥吉日

壬子日

天德合月德合日亦可

男子亦要存心保養精神戒夜酒候經期以

循素女房中之論也

其藥予曾累驗但擇日脩合選好藥材製炒如

宜無不取効功出濟陰等方

○產後治要論

產者雖陰陽自然之理亦大傷於血氣也故調產

母若保嬰兒且產後一科為婦人切要方法乃居

家必用專医道者其可忽乎今現產經室錄良方

婦科

十一

苛書繁衍主治不一余嘗欲辨疑請君子治法者
作一篇便於觀覽每讀丹溪朱先生格致餘論曰
惟婦人一門諸產血氣用藥溫暖於理最當後人
稱為專門治法至於子和相產生儒門事親論產
後出血數斗世人皆以為血氣兩虛產

熱之

劑養血補虛止作受治舉世皆然故有悞者殊不
知妊孕如天地之孕物陰陽合和人物俱生陰陽
偏勝豈得孕乎譬如瓜菓值水旱花實萎落故立

秘法十八日寸草不結乃寒不發生也今婦人終

於十月而產者反為寒治邪此非理矣若子和之

法當行與丹溪治法不同以愚庸見丹溪用濕熱

之劑非指後人用濕熱補藥但以平和溫暖使血

得暖以流通其惡露自尽故無後患耳詎為補藥

乎况生產有難易血氣有盛衰豈可偏執一法能

盡產後無窮之變焉讀前人之論當審前人之意

不可忽畧余每經歷新產月裡用溫暖治效者十

十

諸症辨疑

卷四

十

多八九用溫涼治効者百無二三但子和發義理
之辨丹溪以產後為言嘗考子和氣法施於月外
蘊執自甚陰虛潮熱往來當行溫涼之劑故無禁
耳其月裡可不慎哉人子受胎雖係陽精所得實
賴母血而成亦若瓜菓賴枝蔓所蔭也今婦人終
於十月而產者猶瓜熟蒂懸穰熟脫殼之意雖胃
寒傷食調理不宜急迫則隨手而愈間有夫珍重
不滿十月而動胎產者尤若瓜果枝蔓有所傷也

胎係腐爛胎始墮落故一得病則難愈也昔人所
謂小產勝如大產者此也凡婦人新產榮衛俱虛
腠理不密或冒風寒或傷飲食或惡露欠通或血
行過度如此四者俱能發寒熱身疼腹痛又不可
相類而用藥也今世俗槩行發散退熱之劑豈不
悞人須當審諸君子治火昌於風者脉浮而微或
自汗當行清魂散重而抽搐者則用續命散散加
減感於寒者脉弦而緊或露惡矣通則用生料五

諸症辨疑

積散風寒而感脈浮而緊則用五積交加散有汗
去麻黃而風寒自出矣因寒氣內傷經絡氣滯血
不流通脈遲而緊小腹脹痛乍寒乍熱當葱白散
次則聚寶丹或燥煩悶亂則用延胡琥珀散此為
治法之準的也又如產後脾胃遂成停飲以致身
執氣口脈盛當行消食之藥世人多因身熱便為
外感遽然行涼發汗胃氣轉傷豈無死者其產後
血氣既亂故無施設心氣虛者則瘀血聚於心或
虛者則瘀血入於肺而發喘息當行參蘇瀉水
下之脾胃氣虛者不蘇用是瘀血聚於脾故發嘔
當行抵聖湯身冷脈沉皆用大附子湯肝本血海
血去眩暈而面青當行芎歸湯聚則面蒼而多怒
宜用牡丹皮散產經半月已前雖去內外之邪亦
當兼行血氣如過半月已後若有雜症不可專執
產後一門治療又當於各類中求之庶無舛悞病

體美

清魂散 清血行經逐舊養新

澤蘭葉 荆芥蕙各四兩 甘草八分 人參一兩 川芎二兩

右為末每服二分葱湯或溫酒送下或等分煎服亦可

抵聖湯 治產後瘀血入脾嘔惡欲吐

澤蘭葉 人參 甘草 陳皮去半 夏泡各

水二鐘姜三片煎服

失調經散 治產後惡露未久而濁氣凝滯以致陰陽相乘增寒壯熱或經血不調脹滿氣疼相暢

琥珀真者吸草為佳 茯苓去木 黑豆炒去皮

右為末每服三分或二分濃煎為豆紫蘇湯調下

五積交加散 治產後風寒兩感惡露不通身熱

諸症辨疑

頭疼肢軀痺痛

五積散加羌活 獨活 柴胡 前胡各等
人參 和勝不用

水二鐘姜三片或入葱三莖煎服

葱白散 治產後感寒惡血增寒壯熱疼痛不已

川芎 當歸 枳殼 官桂 青皮 厚朴

製姜煨 茴香炒 川練子炒 茯苓 麥芽炒

三稜煨 神麩 芍藥 木香 人參 蓬朮

標 生地黃乾各等分 葱白三莖

水二鐘姜三片煎服

聚宝丹 治婦人血海虛寒外受風冷所搏結聚

成塊產後血氣攻上疼痛經候不調崩中帶下

作痛並治之

沒藥 真琥珀各另研 當歸酒洗焙乾研末 木香各一兩

滴乳五辰砂 真麝香各一

右為末或滴水為小丸或用酒糊為錠子每服

諸症辨疑

一錠酒磨下或童便尤好

延胡琥珀散 治產後血氣惡心疼痛煩亂

延胡索 當歸 川芎 官桂 地黃 木

香 赤芍藥 沒藥 蒲黃 枳殼 桃

仁 莪木 牡丹皮 各等分

水二鐘姜三片煎服或作末酒調二錢尤佳

七珍散 治產後血迷心竅不悟昏亂舌強

生乾地黃 石葛蒲 細辛 川芎 人參

辰砂另研防風各半

右為末每服一匙薄荷煎湯調下

麻仁丸 治產後去血過多津液枯竭不能傳送

大便秘結虛澁去不流利

麻子仁 研人參 枳殼 去皮

右各等分為末煉蜜為丸如梧桐子大每服五

十九米飲下或湯亦可

益母丸 專治難產及產後諸症

益母丸

廿六

益母草即野天麻一名千層塔方梗紫紅花
白者不是五月採其葉莖陰乾不見日以石
磨為末煉蜜為丸如梧桐子大每服一九臨
產以童便溫酒下

小調經散 治產後敗血停住五臟流入四肢冷
人浮腫不可作水氣治之但用此藥行其血氣
其腫自消 方出調經門

通乳藥 治產後血氣不足經絡衰弱乳汁澀少
黃 行 四 全 通 草 兩 川 芎 兩 甘 草 一 穿 山 甲 四

右將猪蹄刮洗依食法切斷用米五升同通草
等浸煮得三升許取汁飲之忌冷物要美湯助
其氣血乳汁自多乳吁亦要避風寒戒生冷夏
月不宜失蓋亦要用葱湯時時洗乳

產後生腸不收皆由氣虛血弱所以懸下但養氣
和血其物自收用人參黃耆白朮甘草川芎川

歸之類每一錢白水煎服若懸高日則入升麻
五分在內升擬之日用執手心常熨嚶症但腰
氣其物亦收

余治一婦人產後去血過多食後着惱頭疼身痛
寒熱如瘧左手弦大微有寒邪右手弦滑不勻
食飲痰火二者因虛而得藥宜養正祛邪遂以
茯苓補心湯去地黃加羌活青皮葱朮三服汗
出身涼其患漸瘥然後以八物湯調理半月後
獲全愈

一婦人產後面赤五心煩熱敗血入衣胞衣不下
熱有冷汗其思但去其敗血其衣自下遂用烏
豆二合炒透然後燒紅鉄秤鍾同豆淬其酒將
豆淋酒化下益母丹二丸胞衣從血而出餘瀉
瘳矣

一婦人產後痢未至月滿因食冷物及酒冷熱與
血欬擊滯下純血纏墜急痛其脉大無力口乾

遂用黃芩芍藥湯三服而安

一婦人產後四肢浮腫寒熱往來蓋因敗血流入
經絡滲入四肢氣喘咳嗽胸膈不利口吐酸水
兩脇疼痛以旋覆花湯微汗漸解頻服小調經
用澤蘭梗煎湯調下腫氣遂消

一婦人六月產後多汗人倦不敢袒被故汗出被
裡冷則浸漬得風濕疼痛遂以羌活續斷湯數
服愈

一婦人產後血風四肢癢癢以小續命湯四服而
安

一婦人產後三日起早况血氣未定遂感身熱目
暗如風狀即以清魂散二服得微汗而愈

一婦人產後因虛成風牙關緊急半身不遂失音
以續命散數服而安

一婦人產後惡露不尽瘀血入絡又感寒邪寒熱
如癰即以生料五積散五貼惡露自下而寒熱

除矣

一婦人產後惡露未盡因起抹身寒氣客於經絡乍寒乍熱脉弦而緊以葱白散二貼而安

一婦人少年始產四日冷物所傷脾胃但見身軀不快嘔逆飲食少思心腹滿悶時或腹脇刺痛早晨惡寒晚間潮熱夜則恍惚譫語昼則抽搐而顛風狀變異多端諸莫測或作虛風或云血氣用甘溫而行血退實熱以寒涼如此半月竟不克效彼無奈何一日延余過家診視見諸君

醫森然余亦踟躕診其脉弦而緊遂令按之小腹急痛知瘀血之未盡也余思度之間患者大勢惡露已下未畢蓄有餘血偶因寒涼所傷瘀血停滯下焦日久游於經絡所以變生諸症須得大調經散倍入琥珀化諸惡血成水其患方愈遂合前藥服之五日後行惡水斗許臭不可近患者竟倦病勢漸瘳飲後以人參養榮湯數

諸症辨類 四

十貼調理月餘精神復舊

一婦人產後患鬱氣食下即滿悶以四七湯入香附子神麴之類服後氣順痰下食進病除

一婦人產後血上衝心閉悶欲絕先以乾漆燒烟熏鼻次以卷荷散三服止之甦醒惡露漸下

卷荷散

初出卷荷乾者佳 當歸 紅花各一兩 真蒲黃炒

牡丹皮各半兩

右為末每服二合空心温酒下入童便尤佳

一婦人產後未至滿月因怒氣血來如水三四日方止後又勞苦四肢無力睡而汗出日晡潮熱

口乾五心如炙諸醫皆用柴芩薄荷之類其熱愈熾余診其脉弦大無力此蓐勞也以四物湯

一兩入胡連秦芫肖蒿各半不數服熱退身

涼後以黃連八珠丸一料遂獲全愈

一婦產後惡露欠通寒熱時作小腸結成一塊形

大如杯抽刺疼痛用聚宝丹蟠葱等藥俱不効
一日因過余治診其脉而緊以琥珀膏貼患如
二日後其塊漸軟其痛如常倏然陰戶中覺如
虫行動狀少頃欲解出虫三條形長寸許身紅
頭此有嘴出此之後其痛漸緩過後二次仍出
四條虫狀如前痛止身安諸患愈矣予觀先賢
諸書所載腸胃屈曲濕熱生虫固可容矣阴戶
如此縱若生虫而截在何處深可疑焉况先輩
書言口授俱無槩載即今老医問之亦曰不知
真奇病余憶度之間料乎病者未產之前尿胞
必有濕熱生虫之患偶因產後去血况服諸香
燥熱之劑及貼琥珀膏亦是追虫之藥虫不能
容所以因而走也
一婦人產後血逆上行鼻衄口乾心燥舌黑蓋因
瘀血上升遂用益母丸二九童便化下鼻衄漸
止下血漸通

諸症辨疑

六四

參蘇飲

治產後血入肺經喘急煩渴

人參

蘇木

右剉白水煎服用綉鉄秤鎚燒紅同藥滓水丸

驗方各霹靂水

芎歸湯

治去血多眩暈面青者

川芎

川歸身

各等分

水二鐘姜二片煎服

牡丹皮散

治惡血攻聚上面多怒

牡丹皮

去心

乾漆

炒烟尽各半兩

水二鐘煎服

加附子

五分名奪命散

旋覆花湯

治產後感冒風咳嗽喘滿痰涎壅塞

麻黃

前胡

五味子

荆芥穗

旋覆花

杏仁

甘草

赤芍藥

茯苓

青皮

各等分

水二鐘姜三片束一枚煎服

二母湯

治產後惡露上攻流入肺經咳嗽如傷

風傷寒藥用不効者宜用之

諸症辨疑

六四

知母 貝母

杏仁去皮尖 人參 白茯苓

桃仁去皮尖

○水一鐘煎服

○延齡育子法

形者精神之舍宇也氣血者精神之父也所以男子養其氣以輸其精積精以全其神人身賴此以為根蒂蓋慾恬憺怡養古云母耗我氣母勞我形母傷我血母挫我精可以為守精神者矣今人但知養其外不知養其內養其外者養其口體也但

知酒肉為滋補以樂慾為舒情絕不知守神育子之法似乎舊說經云以酒為漿以妄為常者也是故多病無子或生而多夭古人養生內者養其心腎也不妄作勞年躋百歲故病少多壽也今世俗無子者多娶幼妾或寒經不調或血崩而多病所以未成先傷未結先壞精血愈清神氣愈怯故無子或生而夭也且人身精神有限安得用度無窮須當脩省積精神以養天真寡慾情而益眉壽如

此則惜精神有子身安壽永其妙何如耶

○小便氣結與熱不同論

嘗有婦人患淋瀝數而疼痛身熱煩燥醫以熱淋治之用八正散蓮子飲服之愈不安矣因迎予診視脉沉數無力知氣與火搏鬱於小腸故也遂與木通麥稿節車前子淡竹葉麥門冬灯心甘草稍大腹皮之類服之而安余考小腸乃多氣少血之經今病脉係氣鬱反用大黃梔苓味厚苦寒之藥

卅

故寒極傷氣病愈加矣以愚臆見血中有熱者乃有形之熱為實熱也氣中有熱乃無形之熱為虛熱也餘皆倣此大凡氣中有熱者當行清涼薄劑無獲効更分血氣多少之經須辨温涼厚薄之味審察病机治必効也

氣淋方

- 木通 麥門冬 去心 車前子 各一 甘草稍
- 大腹皮 各八 淡竹葉 握一 麥稿節 把一 瞿麥 一

水二鐘姜皮一片灯心一撮煎服

○赤白帶

帶者榮衛滯氣之所成也經分赤白之殊感病有淺深之異所以男子遺精白濁女子帶下白淫故赤者屬榮白者屬衛乃病之常然其疾皆因喜怒憂思素有濕熱或育房勞傷於胞絡使濁氣滲入膀胱故流穢物產白如涕或赤如紅津或黃如爛瓜或青如泥墨或黑如穢血皆合五臟之色也輕則來而不來重則來而無度下流不止面色無光使腰腿痠疼或便紅而淋瀝以致飲食減常精神短少皆帶之所致訣云通下時多骨本枯此之謂也又云論之血氣皆虛冷變作崩中帶下危矣此世俗皆行溫補燥熱瀉劑從而治効者有之因而綿延者亦有之矣止知下焦白帶之虛寒不知中焦之濕熱殊不知燥熱之劑偏助心火既盛其陰血消燦故病日篤譬如猪脂烹之則融冷之則凝

中焦濕熱則淫氣不清則為之白帶所以火升水降則上熱下冷下焦虛寒凝結濁物故為之帶下熱氣薰蒸則為腥腐之氣安獨言其虛寒者乎昔人所謂水升火降故曰既濟火升水降故曰未濟既濟者吉未濟者凶斯言信矣治療之法當行清上實下清濁自分理脾養血濕熱自解更能清心薄滋味然後溫補下元帶自除矣

治白帶方

川芎

生地黃

酒洗

芍藥

炒

黃柏

水炒

甘草

炙

川歸身

酒洗

樗根

貝母

各等分

乾姜

燒

各減一半

水二鐘安三片煎服

如肥白人多濕痰加白朮蒼朮半夏○赤帶加

酒炒條芩炒荊芥○久下加熟地黃牡蛎○氣

虛加人參黃芪○腰腿痠痛加鹿角膠

伏龍肝散

治婦人五色帶下作痛

伏龍肝

即灯心

麥門冬

去心

赤石脂

各一兩

甘草

炙

各一兩

甘草

炙

各一兩

甘草

炙

諸症神效

四味

廿六

肉桂五 川芎三 艾葉 熟地黄各二 乾姜七

常歸頭七

水一鐘東二枚煎服或作末米飲調亦可

一婦人久患白帶瘦削無力倦怠欲睡腰痠腿痛飲食無味而黃日晡煩熱小水淋瀝余用此方服獲全効但以後氣虛血少白帶者服之無不應驗遂名人參黃芪散

川歸身 茯苓各一 芍藥炒 真地骨皮 白

朮 川芎 人參各 黃芪 鹿角膠各二

者入五 甘草炙 熟地黄 車前子各五

水一鐘東一枚煎服

治白帶方

金櫻子即鷄咤兩秋冬 糯米半合 白扁豆花

乾二 牡荊實一兩即 蓮子去心 麩炒二

右為末每服五七分入蜜三茶匙沸湯調服半

月即除

○經疑作痢候人論

余偶治一婦人長夏患痢疾痛而急迫其下黃黑色諸醫以薤苓湯倍用枳殼黃連其患愈劇因請予治診脉兩尺脉緊而滯知寒傷榮也細問之婦人荅曰行經之時渴飲冷水一碗遂得此症余方覺悟血被冷水所凝瘀血歸於大腸熱氣所以墜下遂用桃仁承氣湯內加馬鞭草延胡索一服次早下黑血升許痛止臍清次用調脾活血之劑其

患遂痊今後治痢不可不察不然則候人者多矣

○血瘦作胎解惑論

余治一婦人年及四旬因無子心嘗憂鬱因得痰飲之患嘈雜住汗寒熱時作愛食辛酸之物請醫治之兩手脉弦而滑問其經水若何婦人荅曰三月不行經遂得此症醫曰此有子之態也婦人為子之鬱久矣得此言不勝忻慰遂告醫曰煩下藥須必安胎餘症乞以除之則酌之以金帛也荅曰

母慮以茯苓補心湯加砂仁數服寒熱稍定疼痛
 愈增繼之病者曰今寒熱稍穩反加疼痛何也曰
 此胎痛子懸也仍以紫蘇飲解之遇行經期仆地
 而厥愴忙請醫診之曰子癇也隣家有一老子叩
 其詳細既子癇何不抽搖腹太痛而厥恐非也遂
 荐余脉之兩寸弦滑兩尺弦緊余疑之以有熱而
 厥遂問同儕曰契兄作何患治之彼曰此子癇也
 曰何以知之曰兩尺脉旺寸口脉滑故然也余曰

孕也如蘇容曰足下作何患治耶曰此痰飲
 痰也彼曰此論出在典余曰見於禹脉察要中
 氣口脉滑則多痰婦人有病而無邪脉此孕察
 而所以不月今得血痕弦緊而大者生此有邪之
 脉非孕也問者無對遂用琥珀散聚室丹數服痛
 減魂清次以許學士旋覆花湯汪汗即除寒熱已
 定頻服大調經散血遂通矣然後以艾附丸一料
 越一年誕一子惜乎躡踏必致候人若依經斷之

諸症辨類
四
信不誣矣

○小兒治法捷徑

小兒一科錢氏為最雖有病端不能應對故謂之捷徑也蓋驚風者有急有慢疳積者屬熱屬寒瀉有熱有冷有盤腸切宜聽聲次宜察色眼腫顧赤心肝多熱辰青手冷脾胃虛寒且如外感發熱清涕有痰宜清肌兔活感寒停食無出參蘇潮熱往來宜清涼飲子口乾恍惚並元倍入辰砂五苓散

治急驚神効白朮散療瀉痢功成瘡瘍胎熱須用清丸痰熱多驚抱龍為妙腹脹疳積芫薺消疳瘦削四肢肥兒益胃升麻散療麻痘發表之功異功散治療麻杆體之効心熱夜啼剪絳花而乳調即止天吊抽搐釣藤散立服多功小兒變蒸不時發熱父母愛護不宜多用玉石藥服有傷脾胃轉生他症知此者不可不慎也抑且小兒自有專門治法余豈好辨哉惟擇其簡要以便用者若有雜症

新編

四

四

當以各類中求之但用藥與大人輕重之殊耳

清肌羌活散 治傷風發熱咳嗽鼻塞寒重涕唾

稠濃或鼻流清涕

柴胡 前胡 羌活 獨活 茯苓 甘草

桔梗 枳殼 川芎 人參 各等分

水二盞姜二片煎服

參蘇飲 治小兒感寒停食驚氣發熱方出傷寒

辰砂散 解熱除寒利小水

滑石 一两 甘草 末一 辰砂 二

右為末灯心煎湯調下

五苓散 治小兒急驚水瀉

白朮 茯苓 澤瀉 各五 肉桂 一

右為末灯心薄荷煎湯調下○心神不安加辰

砂一錢

抱龍丸 治小兒風痰執盛昏搐多驚

雄黃 辰砂 天竹黃 各四 真麝香 三 牛膽

諸症皆效

南星

八子臘月入牛膽中陰乾百日內用知無主者水浸二日焙用

右為末煮甘草膏丸如小兒眼大量大小薄荷

湯磨下

清涼飲子

柴胡 白芍藥 一黃芩 一半夏各等 人參

甘草 淡竹葉

水二鐘姜二片煎服

青丸 治小兒胎熱或生瘡癩口乾發熱等症

滑石一兩 石膏七兩 寒水石八兩 青礬石

右為末水丸如真眼大每服一錢灯心湯磨下

白朮散 調理小兒脾虛吐瀉

人參 白朮 茯苓 甘草減 粉葛 藿香

各等 木香少許

右為末每服二錢米飲調下

消疳丸 治小兒肚大疳黃食積等症

青皮 麥芽炒 橘皮各一兩 川連一兩 三稜 莪

諸症辨疑

四

四

莪

信辨辨表

木各五 蕪荑三 使君子肉

如執疳加盧會龍膽草各六 名盧會消疳丸

右為末米飲為丸如粟米子大每服三十九米

飲下

升麻散

升麻 芍藥 甘草 乾葛 各等分

水二盞姜三片煎服

異功散 治小兒服涼所傷或胃虛吐瀉天時嚴

寒瘡出不快四肢逆冷

木香 當歸 甘心 白朮麩炒 茯苓 陳

皮 厚朴製 人參 肉寇煨 丁香 半夏泡

附子 泡各等分

右水一鐘姜三片枣一枚煎服

清熱消疳散

茯苓 地骨皮 川連 山楂 砂仁 柴

胡 陳皮 甘草減 生地黃 白米 各等分

諸症辨疑

四

四

請辨辨疑

水二鐘姜三片煎服

玉聖保命丹 治小兒諸風諸驚內吊腹肚堅硬

日晴上作手足搐掣用弓反張痰涎壅盛一切

急風並治之

全蝎十四 姜蚕 白附子 天南星炮 硃砂

研麝香一另研各 防風 天麻各二 蝉蜕去上

金箔十片為衣

右為末以粳米煖飯取中心軟者搜和為丸每

兩作四十九丸每服一丸用金銀箔為衣薄荷湯

磨下

五月保丸 治小兒五種疳疾

青黛 五倍子生用 夜明砂布包洗去沙上 盧薈 黃

連 龍膽草生用 乾蟾 苦練根皮 麝香用

蕪荑仁 蟬蛻去土

右各等分為末用粟米粉打糊為丸如麻子大

一歲小兒二十九丸米飲送下不拘時服量兒大

諸症辨類

四

五

小加減

盧會丸

治小諸疳熱虫和胃止瀉

胡連

盧會

白蕪菜

木香

青橘皮

雷丸破開日

鶴虱

微炒

麝香

另研

川連

如脾胃虛者只宜用川連一味盧會亦要少用
右為末米糊為丸如粟米大每服三十九米湯

下

呆脾症

治小兒脾胃虛弱飲食少思或食傷泄

瀉此藥進食養胃脾止嘔瀉

白木

一兩

紅陳皮

泡

砂仁

各八

甘草

炙四

炒五

蒼木

炒一合

右為末每服二錢清米飲調食前下如泄瀉用

蓮子煎湯調下如嘔吐姜蜜湯調下

七寶鎮心丸

治小兒驚癇心熱

遠志

去心

雄黃

另

鉄粉

方

琥珀

各二

麝香

許

金銀箔

四片

為衣亦可

珠砂

一

分

諸症辨類 四

右為末煮東肉為丸如梧桐子大每服三五丸
化下或丸作鷄頭子大一丸磨下亦可

青州白丸子 治小兒痰涎結於心脾喘咳發於

癩症務要真者每服三五丸姜湯化下神驗

寬氣飲 治小兒風痰壅滿風傷於氣或不能言

語

枳殼炒 人參 天麻 疆蚕炒去 羌活各等

甘草炙減半

瀉白散 治小兒肺臟痰氣心胸壅悶咳嗽煩喘

大便不

升麻 地骨皮 桔梗 瓜蒌 半夏泡 桑

白皮 杏仁各等分 甘草減半

水一鐘姜三片煎服

斷癩丸 治小兒諸癩痰疾

皂角去皮搗碎水三升浸 白礬煅 蝎睛炒

疆蚕炒 雄黃研 硃砂研 白附子各半 射香另

三

烏蛇酒浸取肉焙 南星濕紙包炮 赤蜈蚣

一條酒炙 去頭尾

右為末用水者半夏糊和前皂角膏為丸如梧

桐子大每服三五丸用姜湯化下

水晶丹 治小兒食積痰氣泄瀉痢症等疾

黃蠟四兩 巴豆一百二十粒 黃丹飛過二兩炒

右除將黃蠟一兩熔開入巴豆泡令黃色然後

以布紙包蠟用巴豆研細入黃丹再研勻次

將黃蠟三兩入銀錠內熔開其蠟將黃丹巴

豆二末入內和勻團作一塊旋丸如粟米大每

服七丸或至十九丸白湯下量虛實用之此係麥

山季小兒蒙方

肥兒丸 治小兒肢躄瘦削食少疳積或結或瀉

檳榔 木香各二兩

右為末米飲丸如粟米大每服三四十九丸米湯

下

釣藤散

治小兒天吊潮熱不退

釣藤

人參

犀角

各二分

甘草

天麻

全蝎

去頭足

茯神

各一分

每服一分薄荷少許煎服

刊校說諸症辨疑袖中金四卷終



一	漢
二	書
三	門
四	
五	
六	
七	
八	
九	
〇	
冊架函號類	

內閣文庫	
番號	漢 12589
冊數	4 (3)
品號	301 85